

leut | inn vnser Lande kommen | solche wahre bey vns
kauffen | vnd andere wahre ins Landt widerumb bringen
müssen | der wir hier bedürffen | damit bessern sich die ein-
wonnere | der Lande | nicht allein die wirthē | vnd Gastgebe |
nicht alleine der herren Zölle vnd Geleite | sondern alle
handtwerger | Wagener | Schmide | Schuster | Schneider | Bier
vnd Weinschencke | Becker | fleischer | vnd was des ist | das
brenget | vnd vrsachet | alles vornemlich | die zimliche vnd
gute münze | der | die gewerb | vnd handele | nachfolgen | wie
im Büchlein | von den gemeinen Stimmen | mehr | vnd klerere
vrsachen angezeigt worden sein.

Was vrsachen aber | können die leute | die dinge | inn
zimlichen | vnd gleichmessigem kauffe | hier im lande be-
kommen | gewisslich anders nicht | denn wenn eine gute
münze jm lande ist | die am korn | den billichen rechten werdt
hat | vñ das silber nicht steigert | Denn der kauffman sihet
nicht an | wie vil | oder wenig | der münze ist | darumb er
seine wahre vorkauffet | Sondern | darauff gibt er achtunge |
wie viel silbers | inn der münz steckt | vnd macht seine rech-
nungē | nach dem werdt des silbers. Hat die münze jhr
gebürlich Silber | vñnd ist gut | so nimpt er jhr desteweniger |
vor die wahre | Stecket aber inn der münze wenig silbers |
vnd ist böse | so mus man jme derer so vil destemehr geben |
damit er den werth | des silbers bekomme.

Nu sagestu | es sey die kauffmans wahre auch bey der
guten münze gesteigert | gibst das dem kauffman schuldt | ist
war | die wörze eins theils | mag etlicher masse gestigen
haben | Wo kumpt es aber anders her | denn das die Hanti-
rungē | die damit | zu Venedig war | vñ frey stundt | abe-
getribē | vñ in Portigal gelegt | do die Specerey | mit
mehrer fahre | vnd vnkost | mus geholet werde | Zu
deme | das sie auch des orths | theurer angeschlagen vnd
vorkaufft wirdet.

Hierzu hilfft auch viel | der herren | vnd vnderthan vber-
trefflicher pracht | der speise | Claret | vnd getrencke | auch
anders | so man mit der wörze | mehr denn zu viel | be-
köstigt | vñnd vberflüssigt | Welchs vnser vorfarn | nicht die

Freihandelschule zum Hauptargument ausgestaltete, mit welchem die
exportbedürftige englische Großindustrie die Abschaffung der Korn-
zölle erkämpfte.

² Vgl. Pückert l. c. S. 94.